



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### სიაუში (სიაუმ ბეგ გურჯი)

სიაუში (სიაუმ ბეგ გურჯი) (გარდ. დაახლ. 1616), სეფიანთა ირანში XVI ს. მეორე ნახევარსა და XVII ს. დასაწყისში მოღვაწე ცნობილი მხატვარი-მინიატურისტი, წარმოშობით ქართველი. ჩვენამდე მოაღწია მისმა ოცამდე ნამუშევარმა (მათ შორის ფირდოუსის "შაჰ-ნამეს", 1576\_1578 წწ. ხელნაწერის შესანიშნავმა ილუსტრაციებმა), რომლებიც ინახება მსოფლიოს სხვადასხვა მუზეუმებსა თუ კერძო კოლექციებში (ირანი, საფრანგეთი, აშშ, რუსეთი, ინგლისი, შვეიცარია, თურქეთი, ეგვიპტე...). სიაუმ ბეგ გურჯის ცხოვრებისა და მოღვაწეობის შესახებ საყურადღებო ცნობები დაცულია მისივე თანამედროვე ირანელი და თურქი ავტორების თხზულებებში.

---